



Broj: 07-11-1484/24
Vogošća, 12.09.2024. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14, 59/22 i 50/24), i čl. 71. i 125. Statuta Općine Vogošća ("Službene novine Kantona Sarajevo", broj: 27/14, 14/15, 9/20 i 23/24), Općinski načelnik dana 12.09.2024. godine donio je

**ODLUKU
O IZBORU NAJPOVOLJNIJEG PONUĐAČA ZA IZVOĐENJE RADOVA NA ZIMSKOM
ODRŽAVANJU LOKALNIH I NEKATEGORISANIH PUTEVA I TROTOARA NA PODRUČJU
OPĆINE VOGOŠĆA U SEZONI 2024/2025. GODINE**

Član 1.

Ponuda ponuđača/grupe ponuđača "KM inženjering" d.o.o. Sarajevo i "Mevludin commerc" d.o.o. Sarajevo, odabrana je za izvođenje radova na zimskom održavanju lokalnih i nekategorisanih puteva i trotoara na području općine Vogošća u sezoni 2024/2025. godine, kao jedina formalno-pravno prihvatljiva ponuda, sa ponuđenom ukupnom cijenom nabavke u iznosu od 434.845,60 KM bez uračunatog PDV-a, odnosno 508.769,35 KM sa uračunatim PDV-om.

Član 2.

Odluka o izboru najpovoljnijeg ponuđača će biti objavljena na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 20.08.2024. godine donio Odluku o pokretanju Otvorenog postupka nabavke radova na zimskom održavanju lokalnih i nekategorisanih puteva i trotoara na području općine Vogošća u sezoni 2024/2025. godine, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 21.08.2024. godine pod brojem: 1353-1-3-181-3-135/24.

Sažetak Obavještenja o nabavci objavljen je u "Službenom glasniku BiH" broj: 57/24 od 23.08.2024. godine.

Tendersku dokumentaciju sa Portala javnih nabavki BiH je preuzelo 7 (sedam) ponuđača.

Krajnji rok za dostavu ponuda bio je 11.09.2024. godine do 10:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 11.09.2024. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 07-11-1484/24 iz augusta 2024. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da su zaprimljene 2 (dvije) ponude i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"Ame" d.o.o. Breza	474.136,38	/	/	554.739,56
2	"KM inženjering" d.o.o. Sarajevo i "Mevludin commerc" d.o.o. Sarajevo	434.845,60	/	/	508.769,35

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

Član 2. stav (1) tačka I) Zakona o javnim nabavkama BiH ("Službeni glasnik BiH", broj 39/14, 59/22 i 50/24) propisuje da je neprihvatljiva ponuda "čija cijena prelazi planirana, odnosno osigurana novčana sredstva ugovornog organa za nabavku ili ponuda ponuđača koji ne ispunjava kriterije za kvalifikaciju privrednog subjekta".

U zvaničnom stavu Agencije za javne nabavke BiH objavljenom na web stranici Agencije za javne nabavke BiH od 28.04.2023. godine stoji: "također se neprihvatljivom ponudom smatra i ponuda čija cijena prelazi planirana, odnosno osigurana novčana sredstva ugovornog organa za nabavku. U otvorenom postupku javne nabavke i konkurentskom zahtjevu za dostavu ponuda, neprihvatljivost ponude se ocjenjuje u toku postupka, a u slučaju da je predviđena e-aukcija, neprihvatljivost se ocjenjuje prije zakazivanja e-aukcije".

Na osnovu iznesenog, obzirom da je procijenjena vrijednost nabavke utvrđena TD i kroz Obavještenje o nabavci u iznosu od 435.000,00 KM bez uračunatog PDV-a, Komisija za javne nabavke je ocijenila Ponudu ponuđača "Ame" d.o.o. Breza **neprihvatljivom**, a sve u skladu sa članom 2. stav (1) tačka I) Zakona o javnim nabavkama BiH kao i članom 8.1.6. TD, jer je ponuđena cijena prelazila planirana, odnosno osigurana novčana sredstva ugovornog organa za predmetnu nabavku.

Detaljnim postupkom pregleda i ocjene ponude, Komisija za javne nabavke je utvrdila da ponuda grupe ponuđača "KM inženjering" d.o.o. Sarajevo i "Mevludin commerc" d.o.o. Sarajevo ispunjava formalno-pravne uslove, odnosno zahtjeve ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela pristiglih Ponuda, te je izvršena računaska provjera dostavljenih ponuda i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14, 59/22 i 50/24), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača/grupe ponuđača "KM inženjering" d.o.o. Sarajevo i "Mevludin commerc" d.o.o. Sarajevo, za izvođenje radova na zimskom održavanju lokalnih i nekategorisanih puteva i trotoara na području općine Vogošća u sezoni 2024/2025. godine, kao jedine formalno-pravno prihvatljive ponude, sa ponuđenom ukupnom cijenom nabavke u iznosu od 434.845,60 KM bez uračunatog PDV-a, odnosno 508.769,35 KM sa uračunatim PDV-om.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura

Mirza Čutura

Kontrolisala: Melisa Kršo

Melisa Kršo



OPĆINSKI NAČELNIK

Migdad Hasanović

Migdad Hasanović

Dostavljeno:

1. "Ame" d.o.o. Breza
2. "KM inženjering" d.o.o. Sarajevo i
3. Nadležnoj Službi
4. U dosije
5. a/a

ame@bih.net.ba
kadrijamalkic1@gmail.com